

UNIVERZITET U SARAJEVU –
STOMATOLOŠKI FAKULTET
SA STOMATOLOŠKIM
KLINIČKIM CENTROM

Tel.: +387 33 214 249
Fax: +387 33 443 395
E-mail: dentalschool@sf.unsa.ba
Adresa: Bolnička 4a, Sarajevo
Bosna i Hercegovina



UNIVERSITY OF SARAJEVO –
FACULTY OF DENTISTRY
WITH DENTAL CLINICAL
CENTER

Phone: +387 33 214 249
Fax: +387 33 443 395
E-mail: dentalschool@sf.unsa.ba
Address: Bolnička 4a, Sarajevo
Bosnia and Herzegovina

Broj: 02-2-1-48-68-12/24
Datum: 25.10.2024.

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama („Sl. glasnik BiH“, broj 39/14, 59/22 i 50/24), Odluke Upravnog odbora Univerziteta u Sarajevu broj: 02-2-3/24 od 30.01.2024. godine o usvajanju Plana nabavki Univerziteta u Sarajevu za 2024. godinu, Odluke o pokretanju postupka javne nabavke broj: 02-2-1-48-68-3/24 od 02.10.2024. godine i Odluke o imenovanju komisije broj 02-2-1-48-68-4/24 od 02.10.2024. godine, v.d. dekan Univerziteta u Sarajevu - Stomatološkog fakulteta sa stomatološkim kliničkim centrom, donio je:

ODLUKU O IZBORU NAJPOVOLJNIJEG PONUĐAČA

Član 1.

Prihvata se Preporuka Komisije za javnu nabavku, broj: 02-2-1-48-68-11/24 od 25.10.2024. godine, te se Ugovor za javnu nabavku usluga anestezije dodjeljuje ponuđaču Klinički centar Univerziteta u Sarajevu, ponuda broj: 02-2-1-48-68-7/24 od 24.10.2024. godine, za ponuđenu cijenu od:

- Prvi sat anesteziologa 30,70 KM, svaki naredni sat 30,70 KM;
- Usluge anestezičara prvi sat 17,00 KM, a svaki naredni sat 17,00 KM;
- Pribor i medikamenti 205,53 KM;
- Transport 135,38 KM;
- Hospitalizacija u slučaju urgentnih stanja 129,60 KM;
- Svaki sljedeći sat 253,23 KM.

Član 2.

Prijedlog Ugovora o nabavci dostavit će se na potpis izabranom ponuđaču prema Zakonu o javnim nabavkama.

Član 3.

Za izvršenje ove Odluke zadužuje se i ovlašćuje Služba za javne nabavke.

Član 4.

Ova Odluka objavit će se na www.sf.unsa.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova Odluka stupa na snagu danom donošenja i dostavlja se zajedno sa Zapisnikom o ocjeni ponuda svim ponuđačima koji su učestvovali u postupku javne nabavke, u skladu sa članom 71. stav 1. i 2. Zakona o javnim nabavkama.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-2-1-48-68-3/24 od 02.10.2024. godine.

Javna nabavka je provedena putem otvorenog postupka.

Procijenjena vrijednost javne nabavke je 100.000,00 KM bez PDV-a.

Obavještenje o nabavci broj: 29342-1-2-53-3-102/24 poslano je na objavljivanje dana 04.10.2024. godine.

Komisija za javnu nabavku imenovana je Odlukom broj: 02-2-1-48-68-4/24 od 02.10.2024. godine.

Komisija za javnu nabavku dostavila je: Zapisnik sa otvaranja ponuda broj: 02-2-1-48-68-6/24 od 24.10.2024. godine, Upit ponuđaču Klinički centar Univerziteta u Sarajevu broj: 02-2-1-48-8/24 od 24.10.2024. godine, Odgovor Kliničkog centra Univerziteta u sarajevu broj: 02-2-1-48-9/24 od 25.10.2024. godine, Zapisnik o ocjeni ponuda broj: 02-2-1-48-68-10/24 od 25.10.2024. godine i Preporuku o izboru najpovoljnijeg ponuđača broj: 02-2-1-48-68-11/24 od 25.10.2024. godine u postupku javne nabavke usluga anestezije.

U postupku javne nabavke po Zapisniku sa otvaranja ponuda utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila zapisnike u kojima je utvrđeno slijedeće:

- da je ukupan broj pristiglih ponuda 1 (jedna);
- da je broj blagovremeno zaprimljenih ponuda 1 (jedna);
- da nema neblagovremeno zaprimljenih ponuda.

Komisija za javnu nabavku dostavila je upit ponuđaču Klinički centar Univerziteta u Sarajevu vezano za cijene u Prilogu II. Dana 25.10.2024. godine ponuđač je dostavio odgovor u kojem potvrđuje navedene cijene i daje dodatno pojašnjavaju cijene određenih stavki, odnosno način kako će se kalkulisati svaka naznačena stavka za koju se upit odnosio.

U toku istraživanja tržišta ponuđač je naveo da su cijene prikazane bez PDV-a, obzirom da su zdravstvene usluge oslobođene od plaćanja PDV-a po članu 24. stav 2. Zakona o PDV-u.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispjele ponude u skladu sa kriterijima iz tenderske dokumentacije.

Naime u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač Klinički centar Univerziteta u Sarajevu ocijenjen po kriteriju najniža cijena ponuda.

Iz navedenih razloga, člana 64. stav (1) tačka b) Zakona o javnim nabavkama, te Pravilnika o radu Komisije za javne nabavke Stomatološkog fakulteta sa klinikama u Sarajevu broj: 01-4-2-20-3/2024 od 01.04.2024. godine, odlučeno je kao u članu 1. ove Odluke.

POUKA O PRAVNOM LIJEKU:


Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Sekretar Univerziteta u Sarajevu – Stomatološkog fakulteta sa stomatološkim kliničkim centrom potvrđuje da je Odluka u skladu sa zakonskim i podzakonskim propisima koji su na snazi, te da je dekan nadležan za donošenje iste, shodno članu 71. Zakona o visokom obrazovanju („Sl. Novine KS“; broj 36/22).

*Pripremila i za usklađenost sa zakonskim i podzakonskim aktima odgovara:
Nadira Karamujić, mag. oec.*

Akt kontrolisao: mr.sc. Edisa Lišić, dipl. iur.

Akt odobrio: prof. dr. sc. Sedin Kobašlija



V. D. DEKAN

Prof. dr. sc. Muhamed Ajanović

Prilog:

Zapisnik o ocjeni ponuda: 02-2-1-48-68-10/24 od 25.10.2024. godine.

Dostaviti:

- Ponuđačima;
- a/a

